



Isumaginninnermut, Suliffeqarnermut,  
Ineqarnermut, Attaveqaasersuutitut  
Isorliunerusunullu Naalakkersuisoq  
[isn@nanoq.gl](mailto:isn@nanoq.gl)

Ulloq: 30-03-2026  
J.nr.:01.38.01.05-00366

## **Ulloq 7. april 2026, nal. 13.00 ataatsimiittarfik Erling Høeghimi ilisimatitsiffiusumik ataatsimiigiasussut**

Marlunngornermi ulloq 7. april 2026, nal. 13.00 Isumaginninnermut, Suliffeqarnermut, Ineqarnermut, Attaveqaasersuutitut Isorliunerusunullu Naalakkersuisoq ilisimatitsiffiusumik ataatsimeeqatigiinnissamut Ilaqutariinnermut Peqqissutsimullu Ataatsimiititaliap aggersarpaa. Utoqqalinermi soraarnerussutisiat aamma immikkut ilisimasallit suliaannut tunngasut imm. UKA2025/94 sammineqassaaq.

Imm. UKA2025/94-p suliarineranut aamma utoqqalinermi soraarnerussutisianut iluarsissutissatut immikkut ilisimasallit innersuussutigisaannut tunngatillugu ataatsimiititaliap Naalakkersuisunut allakkatigut apeqquteqarsimavoq. Aalajangiiffissatut innersuussutigineqartup eqqortumik suliarineqarnissaanut, ilisimatitsiffiusumik ataatsimiinnermi ataatsimiititaliamit kissaatigineqarpoq ataani apeqqutigineqartut ersarissarneqassasut.

1. Immikkut ilisimasallit suliaat aallartinneqartoq aamma suliaq sumut killissimanersoq pillugu ersarissaavigineqarnissaa ataatsimiititaliap kissaatigaa. Immikkut ilisimasallit allanik suliakkerneqarsinnaappat?
2. UKA2025/94-imut Naalakkersuisut allannguutissatut siunnersuutaata aamma immikkut ilisimasallit suliaralugu aallartitaata akissuteqaammi allassimasup assigiinngissutaat ersersinneqarnissaa ataatsimiititaliap kissaatigaa. Tulliuttuni issuaaneq:
  - *“Soraarnerussutisiaqarnermut aaqqissuusseqqinnermi appariartuaartitsinissamut killiliussat iluarsisat ilanngunneqarsinnaanerit pillugu immikkut ilisimasallit misissussagaat peqquneqassasut.”<sup>1</sup>*
  - *“Suliassanut nassuiaatip ilaatigut aalajangerpai immikkut ilisimasallit ”suliaqarnermit isertitanit utoqqalinersianik ilanngaateqarluni malittarisassiat allanngortitat sunniutaannik misissueqqissaaralutillu annertussusiliissasut (...)*

---

<sup>1</sup> [Saqqummiussissut](#)

*taamaaginnartitsinermi tamakkiisutut ilanngaateqarsinnaanermut  
kiffaanngissuseqarfimmut pisoqarfiusinnaasut ilanngullugit<sup>2</sup>*

3. Utoqqalinermi soraarnerussutisialinnut ilanngaateqartitsinermi malittarisassat allanngortinneqarnissaannut immikkut ilisimasallit toqqaannartumik isummersinnaatitaappata. UKA2025/94-imut Naalackersuisut allannguutissatut siunnersuutaat akuerineqassapat immikkut ilisimasallit suliaanut qanoq sunniuteqassava?

Apeqqutigineqartut qulaani taaneqartut pillugit (kalaallisut danskisut) allakkatigut piaartumik akissutisinissaq ataatsimiititaliamit qinnutigineqassaaq. Akissuteqaatit qarasaasiakkut ataatsimiititaliap allattaanut ([suuma@ina.alla.gl](mailto:suuma@ina.alla.gl))-mut aamma Inatsisartunut ([inatsisartut@inatsisartut.gl](mailto:inatsisartut@inatsisartut.gl))-mut nassiunneqarnissaat qinnutigineqarpoq.

Qulaani apeqqutigineqartut allanut ingerlateqqinneqartussaangitsut Naalackersuisut nalilerpassuk – oqaasiinnakkut akineqarnissaat pitsaanerusoq sapinngisamik piaartumik tamanna nalunaarutigeqquneqarpoq, matumani ilisimatitsiffiusumik ataatsimeeqatigiissinnaanerup ullussaata siunnersuutigineqarnera ilanngullugu.

Qujareerlunga,

Ilaqutariinnermut Peqqissutsimullu Ataatsimiititaliaq sinnerlugu  
Inussiarnersumik inuulluaqqusillunga

Pipaluk Olsen

Ataatsimiititaliap siulittaasua

---

<sup>2</sup> Ilanngussaq 1: UKA2025/94-p ataatsimiititaliami suliarineqarneranut atatillugu Ilaqutariinnermut Peqqissutsimullu Ataatsimiititaliap apeqqutigisaanut akissuteqaat.